

第六冊 (全十冊)

國家圖書館出版社

《國語》研究文獻輯刊

宋志英 選編

第六冊

《國語》

研究文獻輯刊

國家圖書館出版社



第六冊目錄

國語集解二十一卷 徐元誥撰

敘例……………一

國語解敘……………九

國語補音敘錄……………一三

重刻明道本國語序……………一九

目錄……………二一

卷一……………二五

卷二……………八五

卷三……………一三九

卷四……………一二三

卷五	二七三
卷六	三二一
卷七	三六五
卷八	四〇五
卷九	四四三
卷十	四六九
卷十一	五四一
卷十二	五五九
卷十三	五八一
卷十四	六〇三
卷十五	六三九
卷十六	六六五
卷十七	六九三

卷十八		七三三
卷十九		七六七
卷二十		八一三
卷二十一		八二五

國

語

難

解

章炳麟署



喜

鑲

箱

壽如戲

國語集解敘例

大史公稱左丘失明厥有國語又謂左氏欲傳春秋
先作國語故國語在漢時有春秋外傳之名與左傳
稱內傳者相表裏也自葉少蘊謂春秋傳作於左氏
國語爲左丘氏不得爲一家文體不同亦非一家書
劉炫謂鄢陵之敗苗賁皇之所爲楚語云雍子之所
爲與傳不同國語非丘明作柳宗元謂越語之下篇
非出於左氏異議囂騰而莫可究詰竊嘗論之國語
之文異於左傳之大者莫如越滅吳一事左傳以伐
吳後三年圍吳又三年而滅之越語則自反國後四
年伐吳遂居軍三年待其自潰而滅之左傳自伐吳

至滅吳凡六年越語自伐吳至滅吳凡三年左傳自吳及越平至滅吳凡二十二年越語自越及吳平至滅吳凡十年其重要牴牾如此誠令人不能無疑於作者不得徒諉曰傳聞異詞也顧攷其書於三代之遺文墜典春秋之嘉言善行粲然在目經國行事所取資博物君子亦所不廢卽與左傳出入正可藉供參校初不因作者爲誰略掩其洪美也是書注有鄭賈虞唐孔韋諸氏今多散佚唯韋解備本有賈許明道公序諸刻公序本精唯補音傳且云本精亦時有譌漏注備仍難免附會後之學者有董氏正義汪氏攷異發正黃氏札記陳氏翼解王氏述聞俞氏平議

吳氏補注用力勤矣所得爲多然詳此略彼入主出奴時可考見蓋未薈集而折衷之則無由劑其平而究其用也閒嘗采識諸說於簡端闕者補之疑者存之念治斯學而未能專者或疲於緡檢昧於是非之辨也乃纂理以請益於世不復自揣其愚假曰有一得焉則更知所以淬厲矣纂例如次

傳文以明道補音二本爲據擇其是者從之其疑異脫衍胥注句下有依他說訂正者仍列原文於集解證以他說

注文以韋解爲準字句譌者胥依攷異札記改正有依他說改正者於注中注明韋解未采之三君注

間據輯存補入於集解

章解訓譌有說可易者易之仍列章解於集解復引
他說解之

地名今釋幾經考定卽用他說亦然爲便於行文計
或不詳載書名但非盡歷其境倘有譌誤諸待教
正

傳文闕注無說可采者蒐集他書補之章解訓譌無
說可易者則附存鄙疑聊資商榷

各篇分章或同補音本或同明道本要視文義分合
爲斷

注上有圍者爲集解否則爲章解

中華民國十四年十二月徐元誥識於海上

中華民國十四年十二月

國語解敘

韋 昭

昔孔子發憤於舊史垂法於素王左丘明因聖言以
據意託王義以流藻其淵源大沈懿雅麗可謂命世
之才博物善作者也其明識高思未盡故復采錄前
世穆王以來下訖魯悼智伯之誅邦國成敗嘉言善
語陰陽律呂天時人事逆順之數以爲國語其文不
主於經故號曰外傳所以包羅天地探測禍福發起
幽微章表善惡者昭然甚明實與經藝並陳非特諸
子之倫也遭秦之亂幽而復光賈生史遷頗綜述焉
及劉光祿於漢成世始更考校是正疑謬至於章帝
鄭大司農爲之訓注解疑釋滯昭析可觀至於細碎

有所闕略侍中賈君敷而衍之其所發明大義略舉
爲已憭矣然於文閒時有遺忘建安黃武之閒故侍
御史會稽虞君尙書僕射丹陽唐君皆英才碩儒洽
聞之士也采摭所見因賈爲主而損益之觀其辭義
信多善者然所理釋猶有異同昭以末學淺闇寡聞
階數君之成訓思事義之是非愚心頗有所覺今諸
家竝行是非相貿雖聰明疏達識機之士知所去就
然淺聞初學猶或未能祛過切不自料復爲之解因
賈君之精實採虞唐之信善亦以所覺增潤補綴參
之以五經檢之以內傳以世本考其流以爾雅齊其
訓去非要存事實凡所發正三百七事又諸家紛錯

載述爲煩是以時有所見庶幾頗近事情裁有補益
猶恐人之多言未詳其故欲世覽者必察之焉

